



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XXVII. De haereticis.

urn:nbn:de:hbz:466:1-15588

XXVI.

Iudæi siue Saraceni nec sub alendorum * puerorum obtentu , nec pro seruitio , nec alia quilibet causa Christiana mancipia in domibus suis permittantur habere. Excommunicentur autem , qui cum eis præsumpserint habitare. Testimonium quoque Christianorum aduersus Iudæos in omnibus causis , cum illi aduersus Christianos testibus suis vtantur , recipiendum esse censemus : & anathemate decernimus feriendos , quicumque Iudæos Christianis voluerint in hac parte præferre , cum eos subiacere Christianis oporteat , & ab eis pro sola humanitate foueri. Si qui præterea Deo inspirante ad fidem se conuerterint Christianam , a possessionibus suis nullatenus excludantur , cum melioris conditionis conuersos ad fidem esse oporteat , quam antequam fidem acceperunt , habebantur. Si autem secus factum fuerit , principibus vel potestatibus eorumdem locorum sub poena excommunicationis iniungimus , vt portionem hereditatis & bonorum suorum ex integro eis faciant exhiberi.

XXVII.

Sicut ait beatus Leo , licet ecclesiastica disciplina sacerdotali contenta iudicio , cruentas non * efficiat vltiones , catholicorum tamen principum constitutionibus adiuuatur , vt saepe querant homines salutare remedium , dum corporale super se metuunt euenire supplicium. Eapropter , quia in Gasconia , Albegesio & partibus Tolosanis & aliis locis , ita hæreticorum , quos alii Catharos , alii Patri-

Sæc^{us}us Leo
epist. 4.

ANNO CHRISTI
1179. nos, alii Publicanos, alii aliis nominibus vocant, in-
valuit damnata peruersitas, vt iam non in occulto ,
sicut aliqui , nequitiam suam exerceant , sed suum
errorem publice manifestent , & ad suum consen-
sum simplices attrahant , & infirmos : eos , & de-
fensores eorum , & receptores anathemati decerni-
mus subiacere : & sub anathemate prohibemus , ne
quis eos in domibus , vel in terra sua tenere , vel fo-
uere , vel negotiationem cum eis exercere præsu-
mat. Si autem in hoc peccato decesserint , non sub
nostrorum priuilegiorum cuilibet indultorum ob-
tentu , nec sub aliquumque occasione , aut oblatio
fiat pro eis , aut inter Christianos recipient sepultu-
ram. De * Brabantionibus & Aragonensibus, Naua-
* Brabantionibus & Aragonensibus, Naua-
* Baschis riis, * Bascolis, Coterellis & Triauerdinis , qui tan-
tam in Christianos immanitatem exercent , vt nec
ecclesiis, nec monasteriis deferant , non viduis , &
pupillis, non senibus, & pueris, nec cuilibet parcant
ætati , aut sexui , sed more Paganorum omnia per-
dant , & vastent ; similiter constituimus , vt qui eos
conduixerint , vel tenuerint , vel fouerint per regio-
nes, in quibus taliter debacchantur , in dominicis ,
& aliis solemnis diebus * per ecclesiæ publice de-
nuntientur , & eadem omnino sententia , & poena
cum prædictis hæreticis habeantur adstrieti , nec ad
communionem recipientur ecclesiæ , nisi societate
illa pestifera , & hæresi abiuratis. Relaxatos autem
se nouerint a debito fidelitatis , & hominii , ac to-
tius obsequii , donec in tanta iniquitate permane-
rint , quicumque illis aliquo * peccato tenentur an-
nexi. Ipsis autem , cunctisque fidelibus in remissio-

M m m iij

nem * peccatorum iniungimus, vt tantis cladibus
se viriliter opponant, & contra eos armis popu-
lum Christianum tueantur. Confisceturque eo-
rum bona, & liberum sit principibus, huiusmodi
homines subiicere seruituti. Qui autem in vera pœ-
nitentia ibi decesserint, & peccatorum indulgen-
tiam, & fructum mercedis æternæ se non dubitent
percepturos. Nos etiam de misericordia Dei, &
beatorum apostolorum Petri, & Pauli auctoritate
confisi, fidelibus Christianis, qui contra eos arma
suscepint, & ad episcoporum, seu aliorum præ-
latorum consilium, ad eos decertando expugnan-
dos, biennium de pœnitentia iniuncta relaxamus:
aut si longiorem ibi moram habuerint, episcopo-
rum discretioni, quibus huius rei * causa fuerit in-
iuncta, committimus, vt ad eorum arbitrium, se-
cundum modum laboris, maior eis indulgentia
tribuatur. Illos autem, qui admonitioni episcopo-
rum in huiusmodi parte parere contempserint, a
perceptione corporis, & sanguinis Domini iube-
mus fieri alienos. Interim vero eos, qui ardore fi-
dei ad eos expugnandum, laborem * iustum af-
sumperint, sicut eos, qui sepulcrum dominicum
visitant, sub ecclesiæ defensione recipimus, & ab
vniuersis inquietationibus, tam in rebus, quam in
personis statuimus manere securos. Si vero quis-
piam vestrum præsumperit eos molestare, pere-
episcopum loci excommunicationis sententia fe-
riatur: & tamdiu sententia seruetur ab omnibus,
donec & ablata reddantur, & de illatis damnis
congrue iterum satisfaciat. Episcopi vero, siue

ANNO CHRISTI
1179. presbyteri, qui talibus fortiter non restiterint, officii sui priuatione mulcentur, donec misericordiam apostolicæ sedis obtineant.

IN

* CONCILIVM LATERANENSE III.

* OECVMENICVM ET VNIVERSALE VNDECIMVM approbatum, trecentorum episcoporum, pro reformatu in fide & moribus ecclesia, contra haereses Catharorum, (quos ^f VValdenses & ^g Albigenenses alii appellant) & schismaticos ab antipapis ordinatos celebratum i anno Domini MCLXXIX. tempore Alexantri papæ III. & Friderici imperatoris I.

N O T A.

* Concilium.] Hanc Synodum Alexandri papæ auctoritate congregatam fuisse indicat Otto Frisingensis lib. 7. cap. vltimo his verbis: Alexander uniuersalis totius ecclesie pater canonice confirmatus est, qui secundo confirmationis sua anno maximum Rome Concilium congregauit, in quo plures episcopos schismaticos, & plures diuersorum ordinum per ipsos ordinatos degradauit & damnauit. Robertus continuator Sigeberti anno 1179. in appendice: Alexander papa, inquit, misit Octauianum subdiaconum Romane ecclesie ad Rothomagensem prouinciam, ut conuocaret archiepiscopum & suffraganeos eius & abbates illius prouinciae. Et misit similiter alios subdiaconos ad orientem, & occidentem, & meridiem, & septentrionem, ut conuenirent ad Concilium generale, quod erat futurum proxima quadragesima in cinitate Roma. Epistola congregandi Concilii ad omnes episcopos scripta extat supra, ex bibliotheca abbatis Florentini accepta. Hæc de Concilio Romanii pontificis auctoritate anno 1178. indictio. Decelebratione actisque eiusdem Concilii paulo infra ait: Anno 1180. Alexander papa tertius tenuit generale Concilium Roma media quadragesima, cuius decreta, quæ ab eo, & ab aliis coepiscopis eius ibi constituta sunt, apud nos habentur. Acta Concilii prodierunt in lucem per Bartholomaeum Laurens, Poin cognominatum, qui in præfatione (quam infra ante appendicem Lateranensis Concilii inuenies) profitetur se eadem ex quodam manuscripto volumine pergamenico descriptisse. Et sicut ille appendicem huius Concilii ab actis putauit non esse diuidendam, quamquam certo sibi persuaderet eamdem ad hanc Synodum non pertinere: siquidem nihil aliud sit quam quedam compilatio capitulorum, & decretorum pontificiorum, quæ a diuersis pontificibus, quorum alii Alexandrum antecesserunt, alii subsecuti sunt, edita & constituta fuerunt; ita ego camdem appendicem & com-

Hæc Synodus ab Alexander papa indita est.

Acta Concilii unde accepta?

Cur præfatio Bartholomaei cum indice appendicis actis synodaliibus postposita.